

Wednesday, April 2, 2025

Time - 2:30pm - 2:35pm

REGIONAL NEWS BULLETIN

(MIDDAY)

OPERATION BRAHMA

Operation Brahma hnuaiah India chuan Myanmar-ah lirnghing tuarte tanpuina thahnem tak a thawn chho mek a, Indian Air Force sipai thlawhna C-17 Globemaster chu nimin khan lirnghing tuarte mamawh tur tam tham tak phurin Lengpui Airport ah alo tum.

United State siam sipai thlawhna Indian Air Force ta hian metric tonne 65 zeta rit mipui mamawh hrang hrang a rawn phur a, heng a rawn phurh te hi tui intur, buhfai, damdawi, mut bu te leh in enkawl na atana mamawh hrang hrang te an ni.

Lengpui Airport thuneitute sawi danin heng bungraw hrang hrang lirnghing tuarte tanpuina tur hi Assam Rifles ten Zokhawthar ah Truck hmangin an chhek chho dawn a, heta tang hian Myanmar ram chhunga Chin state paltlangin lirnghing tuarte tanpuina an pe dawn a, India sawrkar leh Myanmar sipai sawrkar pawh hemi chungchangah hian an inbe tawh nia thudawn a ni.

External Affairs Minister Dr. S. Jaishankar chuan Operation Brahma hnuaiah India chuan Myanmar-ah tanpuina thahnem tak a thawn thu a sawi a. Nimin khan Indian Air Force C-130J thlawhna hmangin buhfai leh ei tur bakah tanpuina bungrua tonne 16-a rit chu Delhi atangin Mandalay ah thawn a ni a, Indian Navy lawng lian, INS Ghariyal pawh Vishakhapatnam atangin ei leh in tur metric tonne 442 phurin a chhuak a. External Affairs Minister sawi danin Mandalay-ah Indian Army field hospital unit din a ni tawh bawk.

Operation Brahma tia vuah Lirnghing avanga chhiatna hrang hrang thleng leh inchhanchhuahna hna thawhna tura India sipaite hmalakna hi thla liamta March ni 29 khan bultan a ni a, he hmalakna ah hian India mithiam hrang hrang damdawi lam leh lirnghing sawhkhawk tuar te sawngbawl tura mithiam bik te chuan Myanmar rama lirnghing tuar te an enkawl dawn a, heng bakah hian India sawrkar chuan Myanmar ah hian tanpuina thahnem tak thlawhna leh lawng hmangin a thawn lut bawk a ni.



MIZORAM TOURIST

Mizoram ah nikum chhungin khualzin mi sing 5, 2235 an awm a, heng zingah hian ram pawn atanga khualzin mi sing 10051 an awm.

Tourism Department tarlan danin Mizoram flawhtu khualzin zingah hian ram chhung atangin mi sing 4,2184 an awm a, ram pawn (foreign) atangin khualzin mi sing 10051 bawk a ni. Kum 2023 April atanga kum 2024 March inkarah khualzin mi nuai 2 sing1,9149 an awm a, heng zingah hian mi nuai 2

sing 1, 5265 chu ramchhung atanga khualzin niin ram pawn atanga khualzin hi 3884 an awm bawk a ni.

Department tarlan danin Rampawn atanga khualzin rawn lutte hi ram 14 atanga rawn kal niin nikum chhung khan Aizawl Khawpuiah khualzin tam berin ram chhung atanga tlawhtu mi 24559 awmin rampawn atanga tlawhtu hi 8221 an awm a, Champhai District tlawhtu hi ramchhung khualzin 5003 awmin rawmpawn khualzin 497 an awm a, Lungleiin dawt lehin ramchhung khualzin 2714 awmin rampawn atanga khualzin hi 75 an awm leh a ni.



QUARRY ASSN PRESS CONFERENCE

Mizoram Quarry Association chuan Mizoramah Quarry ah permit nei lova lung la leh her tam tak an awm tih sawiin heng mite hian sawrkarah chhiah an chhung lo tih an sawi

.

He thu hi vawiina Aizawl Press Club-a chanchinbu mite an kawmnaah sawiin Mizoram Quarry Association President Pu C.Ladinfela chuan sawrkar in mining check gate a siamah Dan in phut anga permit neilo te chuan Form O pek tur an nei lo a ti a, Mizoramah Company hrang hrang Mizoram pawn atanga lo lutin Mizoram chhungah ram hmasawnna turin heng company te hian hian an hnathawhna atan chauh lung lak phalna an nei tih sawiin an hnaa an hman tur bak pawn lamah hralh chhuah phalna an nei lo a ti a, Company pawn lama hralh thin an awm chu an duhloh thu sawiin Mizoram sawrkarah chhiah an pek loh avangin mipuiten dawr tawhloh turin an duh tih a sawi bawk.

Pu C Laldinfela chuan Mizoram sorkarin tun hnaiah lung halna thahnem tak an man thu leh an man thenkhatte chu Quarry nei si lung la lo mahse permit nei tho atangin a nih thu a sawi a. Quarry neituten hian lung halna permit an neih chu thla khata sawrkarin lei zat tur a bituk an tla lo zawk thin tih sawiin dan ang thlapa kalpui chhunzawm zel an duh tih a sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.



DRUGS SEIZED

Nizan khan Lawngtlai District-a Bualpui (NG) ramchhung Serzawl kawngah Assam Rifles, Mizoram Police leh YLA tangkawp chuan ruihhlo thahnem tak an man.

Nizana beihpui thlakah ah hian Myanmar lam mi hnen atangin Methamphetamine Mum 42000, Kg 4 leh gram 600 a rit an man a, hei hi tualchhung hralhnaa chhutin cheng nuai 59 leh sing 8 man hu niin Myanmar atanga Mizoram a pêk tur ni ngei tura rin a ni.

Tunhnai khan Lawngtlai District, Bualpui (Ng) a Raltlan awm mek te hi Mizoram Police, Assam Rifle, VC leh Young Lai Association ten ko khawmin raltlan awmdan tur hrang hrang hrilhhriat an ni a, ram leh khawtlang a him zawk theih nan leh mipui leh Raltlan ten thawhhona tha an neih theih nan a tangkai chi hrang hrangte sawilan a ni a, Tun hnai khan Bualpui (Ng) ah ruihhlo man a tam avangin Raltlanten an zawmtur hrang hrang duan a ni a, Khawchhung a, Raltlan Kenbo Bike leh lirthei dang kawlte chu khawchhungah chauh hman phal sak niin an zin dawn in Joint VC Secretary hnenah in report a lehkha lak zel tur a ni dawn a. An haw hunah lehkha kengin Joint VC Secretary hnenah in report leh tura tih an ni bawk.



KHAWZAWL NCORD

Wawiin khan Khawzawl DC Meeting Hall-ah DC Pu K. Vanlalthiana hovin ruihhlo do chungchang sawiin Narcotics Coordination Centre (NCORD) an thukhawm.

Thutkhawmah hian hmalak dan tur hrang hrangte leh mipui hrilhhriat dan tur leh ruihhlo an man tawh dan leh an kalpui zel dan te a sawi a. Pu F. Lalliangura, Inspector, Excise and Narcotics Station hnen atangin zu leh ruihhlo chi hrang hrang man dan report ngaihthlak a ni bawk. Hemi zawh hian Police leh Excise and Narcotics lamin ruihhlo do kawnga harsatna an tawh chungchangte leh ruihhlo man a tlawm avanga ruihhlo ngai an tam tawh thu leh ruihhlo vanga man court-ah thiamloh chantir a har tawh thu te leh thawhhona lama harsatna an tawh chungchang an sawi a, mi tam thei ang berin ruihhlo do chungchang an hriat theih nana mipui zirtirna nasa zawka kalpui a tul thu an sawi bawk.

DC Pu K. Vanlalthiana chuan NCORD hnathawh chu pawimawh a tih thu sawiin member te hnathawh fakawm a tih thu a sawi a, Khawzawl district-ah ruihhlo leh a ken tel buaina leh harsatna chi hrang hrang an hneh ngei theih nan theihtawp chhuah turin member te a fuih bawk a ni.

